

Strategiija

2023–2027



Álggahus

Min barggus galgá leat ávki, sihke geavaheddjiide ja servodahkii. Statpeda strategiija 2023-2027 galgá čujuhit dasa mo mii galgat duohtan dahkat min doaimmaid. Dat čilge dehálaš ovdánemiid ja hástalusaid mat oidnojit oahpahussuorggis, ja guhtta ángiruššansuorggi maid Statped galgá deattuhit vai daid dustet.

Oassin oahpahussuorggis galgá Statped váikkuhit dasa ahte mánát, nuorat ja rávisolbmot geain leat erenoamáš oahppandárbbut, buoremusat sáhttet hálddašit iežaset eallima ja oassálastit aktiivvalaččat oahpahusas, barggus ja servodateallimis. Mii bargat dan ovdii ahte mánát ja oahppit galget vásihit ollislaš pedagogalaš fálaldaga mas erenoamášpedagogalaš doaibmabijut, oahpponeavvorráhkadeapmi ja mearkagiela oahpahus heivejit bures oppalaš dábálašpedagogalaš fálaldahkii.

Bálvalusat galget váikkuhit dasa ahte sis geain lea njuolga dahkamuš mánáiguin, nuoraiguin ja rávisolbmiguin geain leat bistevas, viiddis ja erenoamáš váttis heivehandárbbut, sáhttet addit bures heivehuvvon fálaldaga fátmasteaddji searvevuodas. Statped galgá maiddái áimmahuššat ja ovdánahttit iežas rolla Máhttodepartemeantta fágadirektoráhtan.

Vai olahit dan, fertet mii bargat beaktilit ja máhtolašvuoda vuođu, mas lea buorre kvalitehta ja mii čatnasa guoddevaš ovdáneapmái, nu ahte mii geavahit min fágalaš resurssaid buoremus lági mielde.

Statped galgá hukset ja bajásdoallat erenoamášgelbbolašvuoda dain fágasurggiin gos leat nu hárve ja mánggabealat hástalusat ahte ii sáhte vuordit ahte suhkaniin lea dárbblaš gelbbolašvuoha.



Rámmat ja ovddasvástádus

Statpeda servodatmandáhtta lea bargat dan badjelii ahte mánát, nuorat ja rávisolbmot geain leat erenoamáš oahppandárbbut ožžot vejolašvuoda aktiivvalaččat searvat oahpahussii, bargui ja servodateallimii.

Statpeda váldobargu lea fállat buriid bálvalusaid erenoamášpedagogihkas, mearkagiellaoahpahusas ja oahpponeavvorráhkadeamis. Mii leat Máhttodepartementta vuollásaš doaibma, ja dat láidesta min barggu jahkása juolludusreivviid ja eará stivrendokumeanttaid bokte.

Mii leat riikkaviidosas, mánnggafágalaš doaibma mii galgá fállat bálvalusaid ja gelbbolašvuoda mas lea seamma kvalitehta ja lea olámuttos buot suohkaniidda ja fylkkagielladaide. Dieinna lágiin mii galgat váikkuhit dasa ahte mánáidgárddi ja vuodđooahpahusa suorgeulbmilat ollašuvvet.

Mii galgat bisuhit ja ovddidit erenoamášgelbbolašvuoda erenoamáš oahpahusdárbbuid ektui iežamet fágasurggiin nu ahte bálvalusain lea alla fágalaš dássi ja ahte dat addet suohkaniidda ja fylkkasuohkaniidda ođasmahttojuvvon máhtu ja gelbbolašvuoda.

Statped galgá ovddidit, heivehit ja buvttadit oahpponeavvuid mearkagiela geavaheddjiide ja mánáide ja ohppiide geat leat čalmmeheamit/geain lea erenoamáš heajos oaidnu.

Statped oamasta stáhta bealis Diamanten skuvlla ohppiid várás geain lea bealjeshissohkenvuohta. Statped áimmahuššá maiddá Davvi Dearvvašvuoda ovddas Bealjeshissohkenvuođa fágasuorggi doaimma, ja mii leat oassin Nationála bealjeshissohkenvuođa gelbbolašvuodabálvalusas (NKDB).

Mii galgat addit fágalaš ráđiid Máhttodepartementii dakkár áššiin mat gusket mánáide, nuoraide ja rávisolbmuide main leat earenoamáš oahppandárbbut ja muđui min fágasurggiid ektui, ja vuogáidahttit iežamet máhtu nu ahte dat šattašii relevánta departementta politihkkaovddideapmái.

Statped galgá fállat bálvalusaid smávva ja erenoamážit spesialiserejuvvon fágasurggiin mat gusket

- oidnui
- gullui
- bohciidan vuoinjamašvigiide
- kombinerejuvvon áicomassimiidda ja bealjeshissohkenvuhtii
- dárogiela mearkagillii
- molssaevttolaš ja lassi gulahallamii
- mánnggabealat oahppanváltuide
- giella-/hupmanváltuide

Statped váldomihttomearit

1

Gealbolokten

Suohkanat ja fylkkagiieldat ožžot bálvalusaid ja doarjaga gealboloktemii mii ovddida oahppama, ovdáneami ja oassálastima fáttmmasteaddji searvevuodas mánáide ja ohppiide geain leat bistevaš ja mánggabealat erenoamášpedagogalaš dárbbut.

2

Mearkagiellaoahpahus

Mánát ja oahppit geain lea vuoigatvuohta oažžut oahpahusa mearkagillii ja mearkagielain leat mielde sihke dáru/sámi ja dáru mearkagielat servodagas.

3

Oahpponeavvut

Suohkaniin ja fylkkagiieldain leat heivehuvvon oahpponeavvut ja pedagogalaš ávdnasat mat ovddidit oahppama, ovdáneami ja oassálastima fáttmmasteaddji searvevuodas mearkagielagiidda, čálmmehis mánáide ja ohppiide ja mánáide ja ohppiide geain erenoamáš heajos oaidnu.

Áŋgiruššansuorggit

Áŋgiruššansuorggit čájehit maid Statped galgá vuoruhit dusten dihte hástalusaid ja olahan dihte min váldomihttomeriid.

Áŋgiruššansurggiid vuodđun leat ovdánandovdomearkkat ja hástalusat mat ovdanbuktojuvvojit boahhte siiddus.

Statped galgá nannet

1

máhttovuđot ja geavatlaš gelbbolašvuodafálaldaga mii deaivá suohkaniid ja fylkasuohkaniid dárbbuid

2

giella- ja gulahallangelbbolašvuoda mii doarju min ulbmiljoavkkuid oassálastima, oahppama ja ovdáneami

3

earenoamášpedagogalaš barggu sámi mánáid ja ohppiid várás

4

mánáidgárdeoahpaheddjiid ja oahpaheddjiid gelbbolašvuoda geavahit oahpponeavvuid čalmmehemiide, olbmuiide geain lea erenoamáš heajos oaidnu ja mearkagielagiidda

5

ovttasbarggu universitehta- ja allaskuvlasurggiin dakko bokte ahte identifiseret ja čuovvolit innovašuvdnadárbbuid, dutkama ja oahpu

6

rolla bálvalusaddi fágadirektoráhtan, ja leat oinnolaš, olámuttus ja relevánta aktevera oahpahussuorggis

Hástalusat

Statpeda strategiija galgá čájehit geainnu mii lea vuodđuduvvon min váldomihttomeriide. Máhttu oahpahussuorggi ovdánandovdomearkkain ja hástalusain čájehit ahte suorggit nugo gelbbolašvuohta, kvalitehta, ovttasdoaibman ja digitaliseren leat erenoamáš dehálaččat.

Gelbbolašvuohta ja kvalitehta

Hástalusat

- Erenoamášpedagogalaš gelbbolašvuohta váilu oahpahussuorggis buot dásiin.
- Dutkan duođašta ahte kvalitehta rievddada dábbálašpedagogalaš fálddagain, erenoamášpedagogalaš fálddagain ja mearkagiela oahpahusa fálddagain.

Statped áigu

- bargat systemáhtalaččat gelbbolašvuođa- ja kvalitehtaovdánahttimiin mánáidgárddiin ja skuvllain
- hukset bargiid gelbbolašvuođa
- leat mielde árraveahkis
- veahkkinn ráhkadit heivehuvvon pedagogalaš fálddagaid ja fáttmasteaddji oahppobirrassa

Ovttasdoaibman

Hástalusat

- Lea stuora hástalus ahte bálvalusapparáhta orro hágganan ja unnán koordinerejuvvon.
- Systemáhtalaš bargu buoridit kvalitehta ja ovttaadássašvuođa oahpahasas gáibida koordinerejuvvon ja ovttahttojuvvon barggu.

Statped áigu

- leat čielga, ja geasuheaddji ovttasbargoguoibmi mii lea álkit olámuttos
- fállat relevánta gelbbolašvuođa ovttasbargui aktevrraiguin iešguđet hálddahusdásiin, sihke oahpahussuorggis ja oahpahussuorggi olggobealde

Digitaliseren

Hástalusat

- Digitaliseren šaddá dađistaga deháleabbo go galgá dustet dálá ja boahpteáiggi vejolašvuođaid erenoamášpedagogihkas.
- Lea hástalus čuovvut ovdáneami, oázžut dárbbášlaš gelbbolašvuođa ja ávkkástallat dainna.

Statped áigu

- váikkuhit dasa ahte ođđa digitála vejolašvuođat mielddisbuktet eanet searvadahttima mánáidgárddiin ja skuvllain
- bargat digitála oahpponeavvuid ja oahpporesurssaid ovdánahttimiin ja ovddidit rievttis geavaheami dain
- bargat dan ala ahte digitála vejolašvuođat leat eanet olámuttos, ahte lea buoret ovttasdoaibman ja ahte bálvalusat leat eanet ipmirdahttit.

Siskkáldas áŋgiruššansuorggit

Go galgat fállat doaibmi ja oktilas bálvalusaid main lea seamma kvalitehta miehtá riikka, de lea dehálaš ahte mis lea beaktilis infrastruktuorra ja buorit doarjjaortnegat.

Mii galgat danin

1

nannet digitála áŋgiruššamiid ja gelbbolašvuoda ja daid geavahit dohkálaččat vai ovddidit oahppama ja oassálastima fáttmasteaddji searvevuodas

2


bargat jierpmálaččat ja geavahit resurssaid beaktileamos ja buoremus lági mielde geavaheddjiide

3

fállat bálvalusaid mat leat máhttui vuodđuduvvon ja main lea buorre kvalitehta

4

lea geasuheaddji bargoadi mii rekruttere, ovdánahtá ja doalaha gelbbolaš mielbargiid





Statpeda bálvalusat galget váikkuhit árraveahkkái

Sis geain lea dahkamuš mánáiguin ja ohppiiguin geain leat bistevas, viiddis ja mánggabealat heivehandárbbut, galget sáhttit addit bures heivehuvvon fáldalaga fáttmasteaddji searvevuodas. Sidjiide galgá fálljuvvot ollislaš pedagogalaš fáldat mas leat erenoamášpedagogalaš doaibmabijut ja ahte mearkagiellaoahpahus heive bures dábálašpedagogalaš fáldahkii. Mihttun lea ahte mánát, nuorat ja rávisolbmot, geain leat erenoamáš oahppandárbbut, galget loaktit ja birget fáttmasteaddji oahppansearvevuodas, ja ahte sii ožžot dohkálaš ja buori oahppanbohtosa.

Fáttmasteaddji searvevuohka buot mánáide ja ohppiide

Searvadahttin lea doaba mii gullá buot min váldomihttomeriide, ja mii guoská buot dásiide oahpahussuorggis. Searvadahttinbargu mánáidgárddiin ja skuvllain eaktuda ahte leat searvadahttinaktevrrat buot dásiin suorggis.

Searvadahttin mánáidgárddis ja skuvllas guoská dasa ahte buot mánát ja oahppit galget vásihit ahte sis lea lunddolaš sadi searvevuodas. Sii galget dovdat iežaset oadjebassan ja ahte sii leat mávssolaččat. Sii galget beassat leat mielde hábmemiežaset fáldalaga vai olahit hálddašeami ja ožžot dohkálaš oahppanbohtosa.